



ALTERNATIV DEMOKRATESCH
REFORMPARTEI
Groupe parlementaire

Här Fernand Etgen
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 08. Abrëll 2021

Här President,

esou wéi d'Chambersreglement et virgesäit, bieden echlech, dës parlamentaresch Fro un den Här Bausseminister weiderzeleeden.

Scho virum Waffestëllstand vum 9./10. November 2020 tëscht Aserbaidschan an Armenien am Biergkarabach-Konflikt si grujeleg Videoen an de soziale Medien opgedaucht, op deenen ee gesäit, wéi aserbaidshanesch Zaldoten armenesch Krichsgefaangener mësshandelen. No dem Waffestëllstand huet Armenien déi aserbaidshanesch Krichsgefaangener un den Aserbaidschan iwwerginn, wat ëmgekëiert net am selwechte Mooss geschitt ass. Et gëtt geschat, datt den Aserbaidschan nach eng 200 Persounen, dorënner och Zivilisten a Persoune vun net armenescher Nationalitéit, gefaangen hält.

An deem Kontext wëilt ech dem Här Bausseminister dës Froe stellen:

1. Huet déi Lëtzebuerger Regierung Informatiounen doriwwer, wéi vill Zivilisten a Militär mat armeneschen Originnen am Moment nach, ronn 5 Méint nom Waffestëllstand, vum aserbaidshanesche Regime festgehale ginn? Wéi vill


Persounen dovunn sinn Zivilisten, wéi vill Militär? Wéi eng Nationalitéit hunn déi

Persounen (ënnert hinne soll sech och eng Damm mat libanesescher Nationalitéit befangen)?

2. Leien der Lëtzebuerger Regierung Informatiounen doriwwer vir, ob armenesch (respektiv Persoune mat enger anerer Nationalitéit) Zivilisten oder Militär an aserbajdschanescher Gefaangeschaft mësshandelt ginn?
3. Wat ënnerhëlt déi Lëtzebuerger Regierung op diplomateschem Niveau konkret:
 - fir datt den Aserbajdschan eng komplett Lëscht vun deene gefaangene Persoune publizéiert?
 - fir datt den Aserbajdschan seng Verpflichtungen aus dem Waffestëllstandsofkommes an deene subsequente Erklärunge vum November 2020 erfëllt, besonnesch och am Hëbléck op déi humanitär Froen?
 - fir drop ze bestoen, datt den Aserbajdschan seng Verpflichtungen ënnert de Genfer Protokoller, besonnesch dem Drëtten Protokoll, an dem Vëlkergezwunnheitsrecht anhëlt a gefaange Persounen nom Enn vun den Hostilitéite fräiléisst?
 - fir ze verhënnere, datt un d'Fräiloossung vun dese Persoune Conditione gebonne ginn an datt si domat zu Geisele ginn?
 - fir dozou bäizedroen, datt gefaange Persounen net mësshandelt ginn?
 - fir dat Internationaalt Rout Kräiz bei senger Beméiungen an dieser Konfliktsituatioun ze ënnerstëtzen?
 - fir ze erméiglechen, datt international Hëlleforganisatiounen, respektiv national diplomatesch a konsularesch Verrieder, een ongehënnerten Zougank zu alle vum Aserbajdschan kontrolléierte Gebitter wéi och Ariichtunge kréien, an deene Persounen zënter deene leschten arméierten Evenementer gefaange gehale ginn?

- fir d'Membere vum Minsk-Grupp fir de Biergkarabach, d'USA, Frankräich a Russland, op déi Problematik mat opmierksam ze maachen a si ze encouragéieren, fir hir Beméiungen an deenen humanitäre Froe weider ze verstärken?
- fir an internationalen Organisatiounen, wéi der UNO, der OSZE, der EU an dem Europarat, op déi humanitär Problemer am Kontext vum Biergkarabach-Konflikt opmierksam ze maachen an déi respektiv Organisatiounen dozou opzeruffen, fir sech fir d'Fräילוossung vun deene concernéierte Persoune weider a verstärkt anzesetzen?
- fir am Fall vun enger weiderer Obstruktioun duerch den Aserbaidshan fir cibléiert Sanktiounen anzetrieden?

Mat déiwem Respekt,



Fernand Kartheiser
Deputéierten